

5  
SA IAIA

Su tempus in cara d'at crapidu  
s'istoria de sa vida ch'at lobradu,  
in manos e in pes d'ad'imprentadu  
su sinn''e sos dolores ch'at patidu;

ma si d'affidan crachi nebodeddu  
torrad'a pitzinnedda issa puru:  
cantat ninnias e su duruduru  
e, si bisonzat, crachi balligheddu;

s'attidilat in terra po zogare  
si sun in terra sos zoghittos suos:  
e rien e tzarran ambos duos  
tottu s'ora chi si podet istare;

si d'assistit in s'ora de papare,  
tottu po issu est su pentzamentu:  
solu po d'ier papanne cuntentu  
sa parte sua lassat infrittare;

torrat fintzas pitzinna in sa presentzia  
canno sos ogos s'attopan cuntentos;  
n'ogat a campu chentumizz''e imbentos  
de unu saccu mannu de passentzia

CARRADORE

SALVATORE ARE  
SANTULUSSURGIU